



[SERMIMIK AAMMA/ IMALUUNNIIT IMERMIK]
[KISERMAASSILLUNI/KISERMAASSINANI]
ILUAQUTEQARNISSAMUT PISINNAATITSISSUT NR.
20[...]/[...]-IMUT ILUAQUTEQARNISSAMUT
PILERSAARUMMUT AAMMA UNITSITSINISSAMUT
PILERSAARUMMUT AKUERSISSUTEQARNEQ

Naalakkersuisut

Inuussutissarsiornermut Nukissiuuteqarnermullu Naaalakkersuisoqarfik

[qaammat] [ukioq]

Imai

§ 1	Isumasiuutit	4
§ 2.	Akuersissummik piginnittup pisinnaatitsissutaa aamma akuersissut manna	5
§ 3.	Pitsaassusissanut piumasaqaatit aamma imminut nakkutiginninneq	6
§ 4.	Suliareqqiisarfik allallu.....	8
§ 5.	Illuutit aamma pilersitat allat il.il.....	10
§ 6.	Misissuineq nakkutilliinerlu	11
§ 7.	Inuussutissanut akuersissut	13
§ 8.	Uppernarsaaneq aamma nittarsaassineq	13
§ 9.	Nioqqusiap sumingaanneerneranut takussutissat.....	14
§ 10.	Iluaquteqarnissamut pilersaarummik aamma unitsitsinissamut pilersaarummik allanngortitsineq	14
§ 11.	Akitsuutiniq akiliutissanillu akiliisarneq, pisortat aningaasartuutaannik taarsiissutitut akiliisarneq aamma taakku pillugit nalunaarusiortarneq allallu	15
§ 12.	Taarsiisussatut akisussaaneq aamma sillimmasiineq.....	16
§ 13.	Akuersissummik piginnittup iluaquteqarnissamut akuersissummik tunngavilimmik ingerlatsinera	19
§ 14.	Nalunaarusiortarneq.....	20
§ 15.	Akuersissummik utertitsineq	21
§ 16.	Ingerlajuartumik torersaaneq allallu aamma ingerlatsinerit uninneranni torersaaneq	22
§ 17.	Qularnaveequsiineq	24
§ 18.	Nutsikkat	25

**[SERMIMIK AAMMA/ IMALUUNNIIT IMERMIK] ILUAQUTEQARNISSAMUT
PISINNAATITSISSUT NR. 20[...]/[...]-IMUT PIGINNAATITSISSUMMIK PIGINNITTUP
ILUAQUTEQARNISSAMUT PILERSAARUTAANUT AAMMA UNITSITSINISSAMUT
PILERSAARUTAANUT AKUERSISSUTEQARNEQ**

Sermimut aamma imermut inatsit naapertorlugu aamma [sermimik aamma/imaluunniit imermik] iluaquteqarnissamut pisinnaatitsissut nr. 20[...]/[...] naapertorlugu pisinnaatitsissut naapertorlugu iluaquteqarnermi ingerlatsinernut ataatsimoortunut piginnaatitsissummik piginnittup iluaquteqarnissamik pilersaarutaanut aamma piginnaatitsissummik piginnittup pisinnaatitsissut naapertorlugu ingerlatsinerit unitsinnissaannut pilersaarutaanut pisinnaatitsissutaat naapertorlugu matumuuna Naalakkersuisut piginnaatitsissummik piginnittumut akuersissummik tunniussipput. Akuersissummi atuupput sermimut aamma imermut inatsimmi aalajangersakkat, sermimut aamma imermut inatsit naapertorlugu aalajangersarneqarsimasut, pisinnaatitsissummi piumasaqaataasut aammalu pisinnaatitsissummut ilassutaasimasinnaasut aamma akuersissut manna.

[Nalunaarummik akuersissummik tunniussisoqarnera pillugu iluaquteqarnissamut pilersaarummik aamma taamaatitsinissamut pilersaarummik akuersissummik pigisaqartussamut akuersinerup nalunaarutigineqannginnerani akuersissut misissorneqassaaq kukkunersiorneqarluni aamma allanngortinneqassaaq pisariaqarfiisigut, akuersissummik pigisaqartussamut akuersissuteqartoqannginnerani. Akuersissuteqarnissamut nalunaarutissamut ilusiliami matumani innersuussinernik nalunaarsuiffissat sungaatumik nalunaaqutsigaapput.]

§ 1 Isumasiuutit

101. Akuersissummi matumani oqaatsit aamma taaguutit tulliuuttut isumaat ataani tulliuuttuni nassuiarneqarput, allatut nalunaartoqanngippat imaluunniit ataqatigiinnerinik ersinngippata:

- (a) Atorneqaraangat "DCE" paasineqassaaq DCE, Nationalt Center for Miljø og Energi, Aarhus Universitet, Nunamut Tamarmut Avatangiisinut Nukissiuuteqarnermullu Qitiusumik Ingerlatsivik.
- (b) Atorneqaraangat "akuersissut" tamanna paasineqassaaq akuersissut manna ilanngussat ilaasut ilanngullugit, Naalakkersuisunit akuersissummik piginnittumut nalunaarutigineqartoq, pisinnaatitsissut naapertorlugu piginnaatitsissummik piginnittup iluaquteqarnermi ingerlatsinernut ataatsimoortunut iluaquteqarnissamik pilersaarutaa aamma pisinnaatitsissut naapertorlugu ingerlatsinerit unitsinnissaannut unitsitsinissamut pilersaarutaa.
- (c) Atorneqaraangat "sermimut aamma imermut inatsit" tamanna paasineqassaaq Sernip erngullu niuernikkut iluaqutigineqarnissaat pillugu Inatsisartut inatsisaat nr. 11, 27. november 2018-imeersutut allannguutit kingusinnerusut qaqugukkulluunniit atuuttut tamaasa ilanngullugit aamma inatsisit inatsimmik pineqartumik taarsiisut.
- (d) "Unitsitsinissamut pilersaarutitut" paasineqassaaq akuersissummik tunngaveqartumik ingerlatsinerup taamaatinneqarnera.
- (e) Atorneqaraangat oqaaseq "nioqqut" tamanna paasineqassaaq pisuussummik iluaqutigineqartumik iluaquteqarnertut, suliarineqarani imaluunniit suliarineqareerluni iineqarnissaa siunertaralugu, tamatumani aamma imigassatut, nerisassiornermi

atugassatut, inuussutissanik piareersaanermi atugassatut imaluunniit inoqutigiinni allatigut iluaqtissatut il.il. iineqarnissaa siunertaralugu.

- (f) Atorneqaraangat "akuersissummik piginnittoq" tamanna paasineqassaaq pisinnaatitsissut naapertorlugu akuersissummik piginnittutut.
- (g) Atorneqaraangat "pisinnaatitsissut" tamanna paasineqassaaq pisinnaatitsissut nr. 20[...]/[...] [sumiiffimmi] [kisermaassilluni/kisermaassinani] [sermimik aamma imermik] iluaquteqarnissamut pisinnaatitsissut ilanngussat ilaasut ilanngullugit aammalu taamaattoqarpat tamatumunnga ilassutaasut allat ilanngullugit.
- (h) "Iluaquteqarnissamik akuersissut" paasineqassaaq iluaquteqarnermik ingerlatsinissamut akuersissummik tunngaveqartumik ingerlatsineq tamarmiusoq.
- (i) Atorneqaraangat "pisuussut iluaqutigineqartoq" tamanna paasineqassaaq sermimik aamma/imaluunniit imermik pisuussutitut pisinnaatitsissummut ilaasutut.

§ 2. **Akuersissummik piginnittup pisinnaatitsissutaa aamma akuersissut manna**

- 201. Akuersissummik piginnittoq [ikkuguk qaammat aamma ukioq, akuersissutip tunniunneqarfigisaa, assersuutigalugu marts 2018] pisinnaatitsissummik nr. 20[...]/[...] [kisermaassilluni/kisermaassinani] iluaquteqarnissamut [sermimik aamma / imaluunniit imermik] nalunaarfigineqarpoq (akuersissut).
- 202. Akuersissummut ilaavoq sumiiffik akuersissuteqarfusoq aamma akuersissut naapertorlugu ingerlatsinissat.
- 203. Pisinnaatitsissut aamma akuersissut manna siumoortumik nalunaarutitaqanngitsumik atorunnaassapput akuersissummik piginnittup kingusinnerpaamik ulloq [ikkuguk pisinnaatitsissummi nalunaarneqartut iluaquteqarnerup kingusinnerpaamik aallartitinneqarnissaanut ulloq, qaammat aamma ukioq] nioqqtissiassamik iluaqutigineqartussamik iluaquteqarnek aallartissimangippagu. Pisinnaatitsissutip immikkoortui 2302-2305 assigisaanik atorneqassapput pisinnaatitsisutip akuersissutillu matuma atorunnaarnerani. Taamaasilluni immikkoortup 2302 imaluunniit immikkoortup 2303-ip kingunerisaanik imaassinnaavoq pisinnaatitsissut aamma akuersissut manna

atorunnaangitsut, piginnaatitsissummik pigisaqartoq pisuusummik iluaqutigineqartussamik iluaquteqalersimangippat pisuni immikkoortuni 2302-mi imaluunniit 2303-mi pineqartuni aallartitsisimangippat.

204. Akuersissut manna pisinnaatitsissutip atorunaarnera ilutigalugu atorunnaassaaq. Taamaattorli akuersissutip atorunnaarneragut piumasaqaatit suli atuuttussaanerat pillugu akuersissummi matumani aalajangersarneqarsimasut malitsigisaat naapertorlugit piumasaqaatit pineqartut akuersissutip atorunnaarneragut atorunnaassanngillat. Kiisalu akuersissut manna naapertorlugu akuersissummik piginnittup pisussaaffii akuersissutip atorunnaarnerani atorunnaassanngillat, taamaattut piffissami pineqartumi suli naammassineqarsimangikkunik.

205. Akuersissummik piginnittup sermimut aamma imermut inatsit naapertorlugu, sermimut aamma imermut inatsit naapertorlugu aalajangersarneqarsimasut aamma pisinnaatitsissummi piumasaqataasut aamma akuersissut manna naapertorlugit pisussaaffiit qaqugukkulluunniit eqquutitissavai. Takuuk immikkoortoq 206.

206. Akuersissummik piginnittoq sermimut aamma imermut inatsit naapertorlugu, sermimut aamma imermut inatsit naapertorlugu aalajangersarneqarsimasut aamma pisinnaatitsissummi piumasaqataasut aamma akuersissut manna naapertorlugit pisussaaffiit piffissami qaqugukkulluunniit eqquutinngikkaangagit pisinnaatitsissut naapertorlugu pisuussut iluaqutigineqartussa q iluaqutigissallugu piginnaatitaanngilaq. Naalakkersuisut tamatumunnga aalajangiisinnaapput atugassarititaasunillu tamatumunnga aalajangersaasinnaallutik.

§ 3. Pitsaassusissanut piumasaqaatit aamma imminut nakkutiginninneq

301. Akuersissummik piginnittup pisinnaatitsissut akuersissullu manna naapertorlugit ingerlatsinerit aarlerinangitsumik aamma eqqiluisaarnermik aaqqissuulluakkamik atugaqartitsilluni ingerlanneqarnissaat qularnaassavaa.

302. Akuersissummik piginnittup suliffeqarfiit inuussutissaleriffiusut pillugit aalajangersakkat Kalaallit Nunaanni qaqugukkulluunniit atuuttut eqquutitissavai. Piffissami matumani

aalajangersakkat tamatumunnga atuuttut tassaapput Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-imeersoq.

303. Akuersissummik piginnittup imminik nakkutilliinermut pilersaarusionsani pilersissavaa atugarissallugulu, ingerlatsinerit isumannaatsumik aamma eqqiluisaartumik ingerlanneqarnerannik qularnaaralunilu nakkutilliissutaasusaaq, tamatumani aamma nioqqutissiornermi, suliareqqiinermi, toqqorsivimmiititsinermi aammalu nioqqutissiamik assartuinermi. Imminik nakkutilliinermut pilersaarusionsaq pisinnaatitsissut aamma akuersissut manna naapertorlugit ingerlatsinerit naleqqussagaassaaq oqaasertaliorneqassallunilu. Akuersissummik piginnittup imminik nakkutilliineq allaganngorlugu ingerlatissavaa, tamatumani aamma imminik nakkutilliinermut immersortakkat skemat attuumassuteqartut atonerisigut. Imminik nakkutilliinermut pilersaarusionsaq minnerpaamik ukiumut ataasiarluni iluarsaanneqartassaaq ingerlajuartumillu nutarsarneqartassalluni.

304. Akuerissummik piginnittup nioqqutissiap Kalaallit Nunaanni pitsaassusissanut qaqugukkulluunniit piomasagaataasut eqquutitissagai qularnaassavaa. Tamanna atuuppoq apeqqutaatinnagu nioqqutissiorneq imaluunniit suliareqqiineq allallu Kalaallit Nunaanni imaluunniit Kalaallit Nunaata avataani ingerlanneqarnerisut, aamma apeqqutaatinnagu nioqqutissiap Kalaallit Nunaanni pisiarineqartarnerisooq, tamatumani aamma tunineqartarnerisooq, imaluunniit avammut tunisassiarineqartarnerisooq. Piffissami matumani pitsaassusissanut piomasagaatit Erngup imigassap pitsaassusia aamma imermik pilersuiviit nakkutigineqarnerat pillugit Namminersornerullutik Oqartussat nalunaarutaat nr. 7, 17. marts 2008-imeersumi ipput.

305. Akuersissummik piginnittup nioqqutissiap avammut tunisassiarineqartoq nunami imaluunniit nunani nioqqutissiap pisiarineqartarfiini, tamatumani aamma tunineqartarfiini, pitsaassusissanut piomasagaatit qaqugukkulluunniit atuuttut eqquutitissagai aammattaaq qularnaassavaa.

306. Naalakkersuisut akuersissummik piginnittoq qinnuigisinnaavaat paasisutissanik aammalu uppersaatinik nassiussaaqqullugu nioqqutissiat akuersissut manna naapertorlugu pitsaassusissanut piomasagaataasunik eqquutitinnerat pillugit, apeqqutaatinnagu

nioqutissiorneq imaluunniit suliareqqiineq allallu Kalaallit Nunaanni imaluunniit Kalaallit Nunaata avataani ingerlanneqarnersoq.

307. Aalajangersakkat matumani § 3-miittut ataatsimut isigalugit § 6-imi nakkutilliinermut aalajangersagaasunut atatillugit paasineqassapput atortinneqassallutillu.

§ 4. Suliareqqiisarfik allallu

[Akuersissummi inaarutaasumi immikkoortoq 408 annertussusissaanut tunngaviususaaq eqqarsaatigalugit taamaallaat ilaassaaq pisinnaatitsissummi § 7-imi iluaqutigisassap annertussusissaanut annerpaanut aamma imaluunniit annikinnerpaaffissaanut killiliussat aalajangersarneqarsimappata. Iluaqutigineqartussap annikinnerpaaffissaanik aamma / imaluunniit annertunerpaaffissaanik pisinnaatitsissummi § 7-imi aalajangersaasoqarsimanngippat, taava immikkoortoq 408 peerneqassaaq.]

[Annertussusissaanut tunngaviusussat sanaartugassap nioqutissiorfissap immikkoortuinut assigiinngitsunut tunngasunik annertussutsinik aamma naatsorsuinernik imaqrput, sermimik aamma imermik iluaquteqarnermi nioqutissiornermilu atorineqartartut. Nioqutissiornermut atortorissaarutissat ilaat mikivallaartumik annertussusilerneqarsimappat, atortussat ilaannut allanut sanilliullugu, iluaqutigineqartussatullu annertussusissat aalajangersakkanut atatillugu, nioqutissiornermi naammassisinnaasat killeqalersinnaapput. Killissamik taamaattumik peqalernerata kingunerisinnaavaa akuersissummik piginnittup nioqutissiassaq iluaqutigineqartussap annikinnerpaaffissaa aamma / imaluunniit annertunerpaaffissaa naammassisinnaanngikkaa. Assersuutigalugu imaassinnaavoq imermut minguitsumut toqqorsivik imaluunniit ruujorit ilaat naammattumik angissuseqanngitsut, imermillu akuersissummik piginnittumit iluaqutigineqartussamik naammattumik imaluunniit iluaqutiginissamut pisinnaatitaaffigisaanik ingerlaartitsisinnaanngitsut.]

401. Nioqutissiamik suliareqqiinermi pilersitat pilersitallu allat nioqutissiornermi atorineqartut, suliareqqiinermi, sananeqarnermi allatigulluunniit nioqqummik passussinermi atorineqartut, pilersinneqassapput, aaqqissorneqassapput, ingerlanneqassapput aserfallatsaalineqassallutillu imatut, pisuussutip iluaqutigineqartussap suliareqqinnerani, tamatumani aamma nioqutissiornermi ingerlanerit ataasiakkaat, qaqugukkulluunniit isumannaatsuullunilu pissusissamisoortuussasoq.

402. Suliareqqiisarfik aamma pilersitat allat pilersinneqarlutillu atorneqalerneranni akuersissummik piginnittup ingerlanerit ataasiakkaat pillugit aamma ingerlanerit tamarmiusut pillugit nassuiaat suliarissavaa. Ingerlanernut nassuiaat aamma tamatumunnga atatillugu titartakkat qaqugukkulluunniit nakkutilliinermi imaluunniit Naalakkersuisut noqqaassuteqarnerisigut takutinneqarsinnaassapput.
403. Akuersissummik piginnittup sulisuminik il.il. ingerlaavartumik pisariaqartumillu ilitsersuisoqartarnissaa ilinniaqqinnernillu ingerlatsisoqartarnissaa qularnaassavaa, qularnaarumallugu isumannaatsumik aamma pissusissamisoortumik ingerlatsisoqarnissaa aammalu atortorissaarutininik aserfallatsaaliisoqarnissaa, tamatumani aamma suliareqqiisarfik, nioqutissiallu isumannaatsumik pissusissamisoortumillu passunneqartarnissaa eqqarsaatigalugu.
404. Akuersissummik piginnittup atuisunut piuminartumik ingerlatsinermit ilitsersuut suliareqqiisarfimmu atortunut atortunullu allanut tunngatillugu suliarissavaa, akuersissummik piginnittup sulisuinit allanillu nioqutissiornermik ingerlatsisunit atorneqartussamik, aammalu nakkutilliisunit. Akuersissummik piginnittup allallu akuersissummik tunngaveqartumik ingerlatsisuusut ingerlatsinermit ilitsersuut atussavaat malitalarugulu nioqutissiornermi suliareqqiisarfik imaluunniit pilersitaq alla atorneqalernerani. Akuersissummik piginnittup ingerlatsinermit ilitsersuutip assilineqarnera Naalakkersuisunut nassiutissavaa tamanna piumasarineqarpat.
405. Akuersissummik piginnittup suliaqarnernut akuersissummut ilaasunut eqqiluisaarnermut tunngasut aqunnissaannut malittarisassat suliarissavai atussallugillu, akuersissut tunngavigalugu suliaqarnissat aallartinnginneranni. Akuersissummik piginnittup malittarisassat malinneqarnissaat eqqortinneqarnissaallu qularnaassavaa. Akuersissummik piginnittup malittarisassat assilineqarnerat Naalakkersuisunut nassiutissavaa tamanna piumasarineqarpat.
406. Imermik errortuutikumik aniatitsineq ingerlatsinermit akuersissummut ilaasumit pisoq, mingutsitsinermik kinguneqassanngilaq, tipiliortitsinermik, eqqiluinnermut akornutaasunik imaluunniit imermik, apummik aannikumik imaluunniit sermimik ajornerulersitsisumik il.il., sumiiffimmi imaluunniit sumiiffiup akuersissuteqarfiusup avataani

kinguneqassanngilaq. Imeq errortuutikoq Naalakkersuisut aamma kommunip ilitersuutaat naapertorlugit kuutsinneqartassaaq.

407. Naalakkersuisut akuersissummik piginnittoq qinnuigisinnaavaat paasissutissanik aamma uppersaatinik pappialanik nassiusseqqullugu ingerlatsinerimi pissutsinut sunulluunniit tunngatillugu nioqutissiap pitsaassusaanut sunniuteqarsimasut, sunniuteqartut imaluunniit sunniuteqalersinnaasut pillugit.
408. Akuersissummik piginnittup suliareqqiisarfiit atortullu allat il.il. akuersissut naapertorlugu suliaqarnermut atatillugu atorneqartut imminnut naapertuuttumik annertussuseqarnissaat qularnaassavaa. Imminnut naapertuuttumik annertussuseqarnerat akuersissummi iluaqutigineqartussatut annertussutsit [minnerpaat aamma/imaluunniit annertunerpaat] naammassineqarsinnaanissaat qularnaassavaa. Akuersissummik piginnittup annertussusissanut tunngavissatut naatsorsuinerit assilineqarnerat Naalakkersuisunut nassiuutissavaa ingerlatsinerit aallartinnginneranni.
409. Akuersissummik piginnittup qularnaassavaa nioqutissiornermi pilersitat suulluunniit, ilanngullugit suliareqqiisarfiit, akuersissut naapertorlugu ingerlatsinerimi atorneqartut piumasaqaatinik § 4-mi matumani eqqaaneqartunik naammassinnittuunissaat, apeqqutaatinnagu nioqutissiornermi pilersitat pineqartut Kalaallit Nunaanni innersut imaluunniit Kalaallit Nunaata avataani innersut. Naalakkersuisut akuersissummik piginnittoq qinnuigisinnaavaat paasissutissanik aamma uppersaatinik nassiusseqqullugu, pilersitat atorneqartut akuersissut manna naapertorlugu piumasarineqartunik naammassinnittuunerat pillugu.

§ 5. Illuutit aamma pilersitat allat il.il.

501. Illuutit tamarmik akuersissut naapertorlugu ingerlatsinerimut atorneqartut, tamatumani aamma pilersitat teknikkimut tunngasut illup iluaniittut aamma silamiittut, pilersinneqassapput, aqqissuunneqarlutik aamma aserfallatsaalineqarlutik kalaallit inatsisaat aamma malittarisassaat qaqugukkulluunniit atuuttut naapertorlugit.
502. Illuutit aamma sanaartukkat allat il.il. nioqutissianut toqqorsivigineqartut, tamatumani aamma assersuutigalugu containerit, illuutillu allat, sanaartukkat il.il, tamatumani aamma

serpalittaasarnermut suliareqqiisarnermullu pilersitat, parnaarsimatinneqassapput tillinniarfigineqarsinnaanermut aserorteriffigineqarsinnaanermullu qularnaagaassallutik.

503. Iluaquteqarnermut, nioqputissiornermut aamma assartuinermit allanullu atatillugu sanaartukkat tamarmik akuersissuteqarfiusumiittut aamma avataaniittut akuersissut naapertorlugu ingerlatsinermit pilersinneqarsimasut, tamatumani aamma pilersitat § 4-mi eqqaaneqartut, ruujorit erngup ingerlavissaa, tamatumani aamma sermeq aalluni iminngorsimasup, umiarsualiveqarnermi atortorissaarutit aamma puujaasaaqqanik nioqputissiornermi atortut allallu, pilersinneqassapput, aaqqissuunneqassapput aammalu aserfallatsaalineqassallutik kalaallit inatsisaat aamma malittarisassaat qaqugukkulluunniit atuuttut naapertorlugit.

504. Innaallagissap aqputai tamarmik, tamatumani innaallagissap aqputai kabilit aamma maskiinat innaallagissamoortut allallu, pilersinneqassapput, aaqqissuunneqarlutik aammalu aserfallatsaalineqarlutik tamakku pillugit kalaallit inatsisaat malittarisassaallu qaqugukkulluunniit atuuttut naapertorlugit, aamma piumasaqaatit, aalajangersakkat aamma malittarisassat tamarmik Nukissiorfinnit aalajangersarneqarsimasut eqqortissallugit.

505. Sanaartukkat, tamatumani aamma serpalittaasarnermut atortorissaarutit, suliareqqiisarfiit, imermut tankit aamma containerit allallu, ingerlajuartumik misissorneqartassapput, eqqiarneqartarlutik aserfallatsaalineqartarlutillu akuersissummik piginnittup § 3 naapertorlugu imminut nakkutilliineranut atatillugu.

§ 6. Misissuineq nakkutilliinerlu

601. Akuersissummik piginnittup nakkutilliinerup akulikissusissaanut aamma nakkutilliinermit pilersaarusiaasut allallu nioqputissiamut tunngatillugu Kalaallit Nunaanni tamakku pillugit aalajangersakkat qaqugukkulluunniit atuuttut naapertorlugit naammassisassavai. Akuersissutit matuma tunniunneqarnerani nakkutilliisarnertit akulikissusissaannut aamma nakkutilliinermit pilersaarutit aalajangersakkat atuuttut uaniipput; Erngup imigassap pitsaassusia aamma imermik pilersuiviit nakkutigineqarnerat pillugit Namminersornerullutik Oqartussat nalunaarutaat nr. 7, 17. marts 2008-imeersoq.

602. Akuersissummik piginnittoq nakkutilliinermi misissugassanik tigusisassaaq, tamatumani aamma nioqutissiap fysisk-kemiskiusumik nalilersorneqarnissaanut. Akuersissummik piginnittup misissukkat ineneri aamma nioqutissiap pitsaassusaa pillugit paasissutissat uppersaatillugu akuersissummik piginnittup § 3 naapertorlugu imminut nakkutilliineranit pisut nalunaarsussavai. Akuersissummillu piginnittup aamma misissukkat ineneri aamma tamanna pillugu paasissutissat, tamatumani aamma nioqutissiap pitsaassusia pillugu, Naalakkersuisunut nassiutissavai. Naalakkersuisut aalajangiisinnaapput misissukkat ineneri aamma tamatumunnga tunngatillugu paasissutissat DCE-mut nassiunneqassasut.
603. Naalakkersuisut aalajangiisinnaapput akuersissummik piginnittoq nakkutilliinermi misissugassamik nutaamik nioqutissiamiit tigusissasoq, misissugassarlu taanna paasissutissallu tassunga tunngasut ilanngullugit Naalakkersuisunut imaluunniit DCE-mut nassiunneqassasut, tamanna Naalakkersuisunit naleqquttutut nalilerneqarpat.
604. Akuersissummik piginnittup nakkutilliisutut oqartussaasut pisuussummit iluaqutigineqartumiit aamma nioqutissiamiit misissugassamik tigusisarnissamut periarfissaqartinneqarnissaat qularnaassavaa, bakteriaqarnerannik misissueqqissaarinerni atorineqartussanik, Kalaallit Nunaanni nakkutilliinermut atatillugu malittarisassat qaqugukkulluunniit atuuttut naapertorlugit.
605. Akuersissummik piginnittoq § 4 aamma § 5-imi eqqaaneqartutut ingerlajuartumik illuutiminik nioqutissiornermilu atortuutiminik allanillu nakkutilliinermik ingerlatsisassaaq, tamatumani aamma misissueqqissaarinert, misissukkat ineneri imaluunniit paasissutissat ilimanarsisippassuk misissuinissaq pisariaqartoq imaluunniit pissusissamisuussasoq.
606. Akuersissummik piginnittup suliareqqiisarfinnik pilersitanillu allanik atuinermi allagaasumik ingerlatsinermut nalunaarsuiffeqarnissaa qularnaassavaa, nioqutissiornermi atorineqartut, suliareqqiineri, sananeqarnermi, toqqortaateqarnermi allatigulluunniit nioqqummik passussinermi atorineqartut pillugit. Ingerlatsinermut nalunaarsuiffik ilaatigut aamma atortorissaarutit atorlugit uuttortaanerit ingerlanneqarsimasut inernerinik, misissukkat inernerinik, misissuinerit ingerlanneqarsimanerininik, aserfallatsaaliernerit naammassineqarsimasut pillugit, piffissat nioqutissiornermi atortorissaarutinik

eqqiaaviusartut pillugit allatigullu iliuusaasartut pillugit paasissutissanik imaqassaaq. Ingerlatsinermit nalunaarsuiffik suliareqqiisarfirmi imaluunniit Kalaallit Nunaanni pilersitap aappaani imaluunniit akuersissummik piginnittup Kalaallit Nunaanni najugaani inissisimatinneqassaaq, piumasaqartoqarneratigullu nakkutilliisutut oqartussaasunut atugassanngortinneqartassalluni. Ingerlatsinermit nalunaarsuiffiup assilineqarnera § 14 naapertorlugu ukiumoortumik Naalakkersuisunut nalunaarusiami ilaatinneqartassaaq.

§ 7. Inuussutissanut akuersissut

701. Akuersissummik piginnittoq qaqugukkulluunniit Kalaallit Nunaanni nioqqutissiorlutut pingaarnertut aamma inuussutissalerinermik nioqqutissiorlutut akuerisaallunilu nalunaarsorsimassaaq.
702. Nioqqutissiorlutut pingaarnertut akuersissut aamma inuussutissanut akuersissut allagaataapput immikkoortut akuersissummullu matumunnga ilanngussatut 1-itut ilanngunneqarput.

§ 8. Uppernarsaaneq aamma nittarsaassineq

801. Akuersissummik piginnittup qularnaassavaa nioqqutissiamik kaaviiartitsinermi immikkoortut tamarmik, tamatumani aamma atuisartup, nioqqutissiap Kalaallit Nunaata ilaani sumi pilersinneqarsimanersoq, passunneqarsimanersoq, sananeqarsimanersoq allatigulluunniit suliarineqarsimanersoq naleqqiussinnaassagaa. Tamanna assersuutigalugu pisinnaavoq puilasup imaluunniit sermeqarfiup pineqartup atia puuanut imaluunniit puiaasaaqqamut nalunaarneratigut.
802. Akuersissummik piginnittup isumaqatigiissuteqarnermigut ingerlaavartumillu nakkutilliinermigut toqqaannartumik toqqaannangitsumillu niueqatigisamini immikkoortoq 801-imi piumasaqaataasoq eqqortinneqartoq qularnaassavaa.
803. Akuersissummik piginnittup imaluunniit akuersissummik piginnittup nioqqutaanik pisisartup immikkoortoq 801-imi piumasaqaataasoq eqqortinnigippagu Naalakkersuisut pisinnaatitsissummi § 23 naapertorlugu aamma akuersissummi matumani § 15 naapertorlugu akuersissut utertissinnaavaat.

804. Naalakkersuisut uppernarsaanermut najoqqutassiassaq pillugu ersarinnerusunik aalajangersagaliorsinnaapput sermit erngillu, sermimut aamma imermut inatsit naapertorlugu akuersissutaasut naapertorlugit, iluaqutigineqartut pitsaassutsinut immikkoortiterneqarnerat nalunaarlugu.

§ 9. Nioqqusiap suminngaanneerneranut takussutissat

901. Akuersissummik piginnittup uppernarsaasissavaa nioqqutaasup ilaa qanoq annertutigisoq pisiarineqarsimanersoq, ilanngullugu tunineqarsimanersoq, Kalaallit Nunaanni, aamma nioqqutip qanoq atorneqarsimamera. Akuersissummik piginnittup aamma uppernarsaasissavaa nioqqutaasup ilaa qanoq annertutigisoq avammut niuerutigineqarsimanersoq, aammalu nioqqutissiat avammut niuerutigineqartut qanoq atorneqarsimanersut. Ajornanngikkaangat akuersissummik piginnittup uppernarsaasertassavaa nioqqutissat avammut tunineqartut sumut tunineqarsimanersut.

902. Immikkoortoq 901 naapertorlugu uppernarsaatit akuersissummik piginnittup § 14 naapertorlugu Naalakkersuisunut nalunaarusiaanut ilaassapput.

§ 10. Iluaquteqarnissamut pilersaarummik aamma unitsitsinissamut pilersaarummik allanngortitsineq

1001. Akuersissummik piginnittup iluaquteqarnissamut pilersaarutini aamma atorunnaarsitsinissamut pilersaarutini piffissamut malinnaatissavaa allanngortittassallugulu pisariaqartutigut, iluaquteqarnermik ingerlatsinermut atatillugu allannguutini annertuuni imaluunniit allatigut ingerlatsinermut atatillugu, imaluunniit pissutsit allat iluaquteqarnissamut pilersaarummut aamma/imaluunniit atorunnaarsitsinissamut pilersaarummut naammassineqarnissaanulluunniit sunnuteqartussani, tamatumani assersuutigalugu avatangiisunut, inuiaqatigiinnut imaluunniit aningaasaqarnermut tunngasutigut. Aamma akuersissummik piginnittup iluaquteqarnissamut pilersaarutini aamma atorunnaarsitsinissamut pilersaarutini piffissamut malinnaatissavaa allanngortittassallugulu pisariaqartutigut pilersaarutip aappaani tamaniluunniit allanngortoqarneranut atatillugu imaluunniit pisinnaatitsissummi allannguuteqaraangat imaluunniit akuersissummi matumani allannguuteqaraangat.

1002. Allanguut sunaluunniit iluaquteqarnissamut pilersaarummi aamma atorunnaarsitsinissamut pilersaarummi suliarineqartassapput iluaquteqarnissamut pilersaarutip aamma atorunnaarsitsinissamut pilersaarutip nutaamik allannguutitsigut malinnaatinneqarnerisigut imaluunniit iluaquteqarnissamut pilersaarut aamma atorunnaarsitsinissamut pilersaarut ilassuteqartinnerisigut. Iluaquteqarnissamut pilersaarummi imaluunniit atorunnaarsitsinissamut pilersaarummi allannguut sunaluunniit taaneqartutut iluseqarluni Naalakkersuisunut nassiunneqartassaaq Naalakkersuisunillu akuerineqassalluni. Naalakkersuisut qaammatinik 3-nik piffissaqartitsillutik akuersissummik piginnittoq qinnuigisinnaavaat iluaquteqarnissamut pilersaarut aamma/imaluunniit atorunnaarsitsinissamut pilersaarut piffissamut malinnaatinneqarsimasoq allanngortinneqarsimasorlu Naalakkersuisunut akuerisassanngorlugu nassiutissagaat.
1003. Naalakkersuisut piumasaqaatinik ersarinnerusunik aalajangersaasinnaapput iluaquteqarnissamut pilersaarutip aamma unitsitsinissamut pilersaarutip piffissamut malinnaatinneqarsimasup allanngortinneqarsimasullu akuerineqarneranut atatillugu.

§ 11. Akitsuutininik akiliutissanillu akiliisarneq, pisortat aningaasartuutaannik taarsiissutitut akiliisarneq aamma taakku pillugit nalunaarusiortarneq allallu

[Akuersissummi inaarutaasumi immikkoortoq 1105 taamaallaat ilaassaaq, § 17 qularnaveeqqusiissuteqartarneq pillugu akuersissummut ilaappat.]

1101. Akuersissummik piginnittup akitsuutit aamma akiliutissat akilertassavai aammalu pisortat sulianik ingerlatsinerannut allatigullu oqartussat ingerlatsinerannut aningaasartuutaasimasut Naalakkersuisunut matussusertassallugit pisinnaatitsissummi § 11-imi piumasaqaatitut aalajangersakkat naapertorlugit.
1102. Naatsorsuinermit atugassatut aamma akuersissummik piginnittup nioqqutissiornermit akitsuummik (royalty) akiliisussaataitaneramik naatsorsuinermit atatillugu akuersissummik piginnittup qaammatit pingasukkaarlugit kingusinnerpaamillu qaammatit pingajuata kingorna ullut 10-anni qaammatinut pingasunut nalunaarusiaq Naalakkersuisunut nassiuttassavaa. Qaammatinut pingasunut nalunaarusiaq qaammatini pingasuni pineqartuni pisuussutip iluaqutigineqartup annertussusianik, qaammatini pingasuni pineqartuni akuersissummik piginnittup aningaasanik kaaviiartitaanik, aamma qaammatinut

pineqartunut pingasunut nioqutissiornermut akitsuummik pisinnaatitsissummi atugassarititaasut naapertorlugit naatsorsugaasunik imaqassaaq. Pisinnaatitsissut naapertorlugu nioqutissiornermut akitsuut qaammatit pingasukkaartumik kingusinnerpaamillu qaammatit pingajuata kingorna ullut 10-anni akuersissummik piginnittumit Naalakkersuisunut akilerneqartassaaq.

1103. Akuersissummik piginnittoq ukiut tamaasa aammalu kingusinnerpaamik ukiup qaangiunnerata qaammatit [2] kingorna ukiumoortumik nalunaarusiamik Naalakkersuisunut nassiussisassaaq, paasissutissanik akuersissummik piginnittup ukiumi kaaviiartissimasaanik imaqartumik, pisuussutip iluaqutigineqartup ukiumi annertussusianik aammalu ukiumut pineqartumut nioqutissiornermut akitsuummik, pisinnaatitsissummi atugassarititaasut naapertorlugit naatsorsugaasunik imaqartumik.
1104. Akuersissummik piginnittup immikkoortut 1102 aamma 1103 naapertorlugit nalunaarusiornermi nioqutissiornermut akitsuutip (royalty) nalunaarutigineranut immersugassaq atortassavaa. Immersugassaq pappiala allagaataavoq immikkoortoq ilanngussatullu 2-tut akuersissummut matumunnga ilaavoq.
1105. Naalakkersuisut ilaatigut akuersissummik piginnittup § 17 naapertorlugu qularnaveeqqusiinera matussutissatut atorsinnaavaat, pisinnaatitsissut aamma akuersissut manna naapertorlugit akuersissummik piginnittup akitsuummik, akiliutissanik aamma/imaluunniit pisortat pisinnaatitsissut naapertorlugu suliamik suliaqarnerannut oqartussallu allat suliaqarnerannut aningaasartuutitut matussutiginarlugit.

§ 12. Taarsiisussatut akisussaaneq aamma sillimasiineq

[Akuersissummi inaarutaasumi immikkoortut 1206 aamma 1207 taamaallaat ilaassapput umiarsuaq imaluunniit angallat alla akuersissummik piginnittup iluaquteqarneranut atorneqarpata. Immikkoortut 1206 aamma 1207 ilaassangillat akuersissummik piginnittup umiarsuaq imaluunniit angallat alla taamaallaat assartuineranut atorpagu, nioqutissiap inaarutaasup Kalaallit Nunaanniit nunamut tiguisussamut assartorneranut imaluunniit nioqutissiap allatigut assartorneranut atorpagu. Immikkoortullu taamaasillutik aatsaat akuersissummi ilaassapput akuersissut imartamut imaluunniit imartamut nunatamullu atuutsinneqarpata.]

1201. Akuersissummik piginnittup sermimut aamma imermut inatsit aamma pisinnaatitsissut naapertorlugit taarsiissuteqarnissamut akisussaaffeqarnera qaqugukkulluunniit sillimmasiisarfitut ingerlatseqatigiiffimmi sillimmasernikkut matussutissaqartinneqassapput, aammalu suut taarserneqarumaartussat matussutissallu annertussusissaat Naalakkersuisunit akuerineqarsimassallutik. Takuuk immikkoortoq 1203. Akuersissutip matuma nalunaarutiginerani Naalakkersuisut akuerisimavaat sillimmasiinermit matussutissat annertussusissaat qaqugukkulluunniit minnerpaamik tassaassasoq DKK [aningaasat annertussusiat].
1202. Akuersissummik piginnittup akisussaaffiga ajoqusiineq sunaluunniit annaasaqarnerlu sunaluunniit akuersissummik piginnittup sermimut aamma imermut inatsimmi pisinnaatitsissummilu aalajangersakkat naapertorlugit taarsiissuteqarnissamut akisussaaffigisaanut ilaasut, aamma naak annaasanut taarsiissuteqarnissami taarsiissutissat sillimmasiisimanermit matuneqarsinnaasunit annertunerugaluarpata, imaluunniit sillimmasiinermit ilaanngikkaluarpata..
1203. Akuersissummik piginnittup sillimmasiutip allagartaata – policep – assilineqarnera Naalakkersuisunut nassiutissavaa.
- [Sillimmasiinermit suut taarserneqarumaartussat matussutissallu annertussusissaat Naalakkersuisunit akuerineqarsimassapput, akuersissutip nalunaarutigineqannginnerani. Takuuk immikkoortoq 1201.]
1204. Akuersissummik piginnittup sillimmasiisimanerit atuuttut atugassarititaasut pingaernerit nalunaarlugit Naalakkersuisunut ilisimatitsissutigissavai ullorsiutit ukiuisa naanerini tamani imaluunniit Naalakkersuisut piumasaqarnerisigut. Naalakkersuisut piumasarisinnaavaat akuersissummik piginnittup sillimmasiinermit atugassarititaasut tamaasa ilisimatitsissutigisassagai uppersarlugillu.
1205. Naalakkersuisut qaqugukkulluunniit piumasarisinnaavaat akuersissummik piginnittup ilassutitut sillimmasiissuteqarnissaa.
1206. Akuersissummik piginnittup pissutsit tulliuuniittut qularnaassavai, aamma umiarsuarnut angallatinullu allanut pisinnaatitsissut naapertorlugu iluaquteqarnermi atorneqartunut tunngatillugu atugassarititaasut allallu tulliuuniittut naammassisassallugit eqqortissallugillu:

- (a) Umiarsuit aamma angallatit pisinnaatitsissut naapertorlugu iluaquteqarnermi atorpeqartut kalaallit imartaanniitillutik aamma Kalaallit Nunaata toqqaviata imartaanniitillutik umiarsuit aamma angallatit nunarsuarmit imartaanni imarsiornermi peqataasut, usisinnaassuseqartullu bruttotonnage 500 sinnerlugit, tamatumani aamma IMO International Code for Ships Operating in Polar Waters ilanngullugit, nunap nammineq aamma nunarsuarmit akornanni maleruagassat, aalajangersakkat aamma isumaqatigiissutit atuuttut malittassavaat eqqortillugillu.
- (b) Umiarsuaatileqatigiit umiarsuarmik aamma angallammik piginnittut umiarsuaatillip akisussaannermt sillimmaserneranik sillimmasiisimassapput atatiinnassallugulu, ("P & I forsikring" imaluunniit assigisaanik) ajoqusernermt aamma annaasanut, umiarsuup angallatiilluunniit ingerlanneranut aamma/imaluunniit atorneranut aamma/imaluunniit annaassiniarnermt aamma/imaluunniit peersinermt, umiarsuarmik angallammillu, atortuinik usiinillu aamma piusunik allanik usineqarsimasunik nunguterinermt aamma/imaluunniit isaterinermt tunngasunik aallaaveqartut aamma /imaluunniit pilersut matussutissaattut. Akisussaannermt sillimmasiisarfik nunarsuarmit peqatigiiffigisaannut P & I klubbinut ("The International Group of P & I Clubs") ilaasortaassaaq, Naalakkersuisut piunasaqaammit tamatuminnga sanioqqutsisinnaaneq akuerinngippassuk. Sillimmaserneqarlutik taarserneqarumaartussanut ilaasut nalinginnaasunik tamakkiisunillu toqqammaveqassapput.
- (c) Umiarsuaatilik imaluunniit umiarsuarmik angallammilluunniit ingerlatsisoq akuerisaasumik allagartaqassaaq – certifikat – assigisaanilluunniit uppersaateqassalluni, akisussaannermt sillimmasiinerup ("P & I forsikring" assigisaanilluunniit) qulaani taaneqartup pilersinneqarsimaneranik attatiinnarneranillu uppersaasumik.

1207. Akuersissummik piginnittoq piunasaqaat 1 arlallilluunniit qulaani taaneqartut naammassineqarsimannginnera(t) eqqortinneqarsimannginnera(l)lu aallavigalugit imaluunniit kingunerisaannik pilersimasunut ajoqusiinernut imaluunniit annaasanut taarsiissuteqarnissamut akisussaasuvoq.

§ 13. Akuersissummik piginnittup iluaquteqarnissamut akuersissummik tunngavilimmik ingerlatsinera

1301. Ingerlatsineq sunaluunniit pisinnaatitsissummi ilaasoq aamma ingerlatsinerit tamatumunnga tunngasut sermimut aamma imermut inatsit naapertorlugu, inatsisit allat attuumassuteqartut aalajangersakkallu taakku naapertorlugit aalajangersarneqarsimasut, pisinnaatitsissut, akuersissut manna aamma Naalakkersuisunit peqqussutigineqartut naapertorlugit ingerlanneqassapput. Taakkununnga ilaatigut ilaapput pinngortitamik illersuineq pillugu Inatsisartut inatsisaat nr. 29, 18. december 2003-meersoq aammalu Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq taakkualu kingorna inatsit allanngornerisa nalunaarutillu inatsinit aaliangikkat allanngorarneri.
1302. Akuersissummik piginnittup ingerlanerit pisinnaatitsissummik tunngaveqartut aamma ingerlatsinerit tamatumunnga attuumassuteqartut isumannaatsumik aamma pissutsinut attuumassuteqartunut tamanut atatillugu pissusissamisoortumik ingerlanneqartarnissaat qularnaassavaa, tamatumani aamma ilaatigut teknikkimut tunngasut aamma erngup pitsaassusissaanut tunngasut, aammalu sillimaniarneq, peqqissuseq, avatangiisit, pisuussutinik iluaquteqarneq inuiaqatigiinnilu piujuaannartitsinissaq eqqarsaatigalugit.
1303. Akuersissummik piginnittup ingerlatsinerup pisinnaatitsissummi ilaasup ingerlatsinerillu tamatumunnga attuumassuteqartut inunnt ajoqusiisinnaannginnissaat imaluunniit peqataasut allat pigisaannut sanaartukkanut ajoqusiisinnaannginnissaat qularnaarumallugu iliuusaasariaqartut pisariaqartut tamarmik iliuserissavai. Aammattaaq akuersissummik piginnittup mingutsitseratarsinnaaneq imaluunniit allatigut avatangiisinut, silaannarmut aamma pinngortitamut pitsaanngitsumik sunniuteqarsinnaasut sumiiffimmi akuersissuteqarfiusumi namminerimi aammalu tamatuma avataani sapinngisaq tamaat killilerniarumallugu iliuusaasariaqartut pisariaqartut tamaasa iliuserissavai.
1304. Naalakkersuisut nalilerpassuk pisinnaatitsissut naapertorlugu ingerlatsineq ingerlatsinerillu tamatumunnga attuumassuteqartut inunnt imaluunniit allat illuutaannut ajoqusiisinnaasutut aarlerinaateqartoq imaluunniit mingutsitsisinnaasutut allatigulluunniit avatangiisinut, silaannarmut pinngortitamulluunniit pitsaanngitsumik sunniuteqarsinnaasutut aarlerinaateqartut, taava Naalakkersuisut peqqusummik

nalunaaruteqarsinnaapput akuersissummik piginnittup ingerlatsinini allatut aaqqissuutissagaa imaluunniit ingerlatsiunnaassasoq piffissaliussap naapertuuttup Naalakkersuisunit aalajangerneqartup iluani. Naalakkersuisut aamma peqqussummik nalunaaruteqarsinnaapput akuersissummik piginnittup pisinnaatitsissut naapertorlugu ingerlatsinerminik unitsitsigallassasoq tamakkiisumik ilaannakuusumilluunniit, akuersissummik piginnittup ingerlatsinerminik Naalakkersuisunit peqqussutigineqartutut aaqqiissuteqareernissaata tungaanut. Peqqussutinik taamaattunik nalunaaruteqarneq akuersissummik piginnittumut taarsiissuteqarfigineqarsinnaanermik kinguneqarsinnaanngilaq imaluunniit Naalakkersuisunut allatigut piumasaqaateqarsinnaanermik imaluunniit akitsuummik allatigulluunniit akiliutissanik § 11 naapertorlugu akiliinngitsoorsinnaanermik.

§ 14. Nalunaarusiortarneq

[Akuersissummi inaarutaasumi immikkoortoq 1404 taamaallaat ilaassaaq § 17 sillimasiinissaaq pillugu akuersissummut ilaappat.]

1401. Akuersissummik piginnittoq ukiut tamaasa Naalakkersuisunut nalunaarusiamik nassiussaqaartassaaq pisinnaatitsissut naapertorlugu ingerlatsinerit pillugit aamma ukiumi qaangiuttumi inernerisimasat pillugit pisinnaatitsissummi tamakku pillugit piumasaqaataasut naapertorlugit. Akuersissummik piginnittup akuersissummik tunngaveqartumik ingerlatsinerminut ukiumi qaangiuttumi nalunaarusiortarnerminut atatillugu immersugassaq atortassavaa. Ukiuoorumik ukiumut qaangiuttumut ingerlatsisimaneq pillugu nalunaarusiortarnermi atorneqartussaaq pappialaataavoq immikkoortoq, ilanngussatut 3-tut akuersissummut matumunnga ilaasoq.

1402. Nalunaarusiortarneq tamarmi tamanna pillugu aalajangersakkat qaqugukkulluunniit auuttut naapertorlugit ingerlanneqartassaaq. Akuersissutip massumap nalunaarutigineqarnerata nalaani aalajangersakkat atuuttut pisinnaatitsissummiippat aamma uani Ingerlatsinerit sermimut aamma imermut inatsimmut ilaasut pillugit suliassanik suliarinninneq aamma allatigut oqartussaasut suliarinninnerat pillugit Namminersorlutik Oqartussat nalunaarutaat nr. [...], [ulloq] [qaammat] 2018-imeersumi, aamma sermimut aamma imermut inatsit naapertorlugu suliassanik suliarinninneq aamma allatigut oqartussaasut suliarinninnerat pillugit aningaasartuutinik utertitsisarnermi.

1403. Akuersissummik piginnittup nalunaarutaani ilaatigut ilaassapput ukiumoortumik naatsorsuutit, immikkoortoq 606 naapertorlugu ingerlatsinermit nalunaarsuiffik, § 9 naapertorlugu nioqqutissiaq pillugu paasissutissat aamma suminggaanneerneranut takussutissat, aamma nioqqutissiornermut akitsuut (royalty). Nalunaarusiarlu aammattaaq paasissutissanik uppernarsaatinullu imaqassaaq pisuussutip iluaqutigineqartussap ilaa qanoq annertutigisoq ukiumi qaangiuttumi iluaqutigineqarsimansoq pillugu.
1404. Nalunaarusiaq aamma § 17 naapertorlugu paasissutissanik aamma uppernarsaatinik imaqassaaq aningaasat sillimmatissat immikkoortinneqartut toqqorneqartullu qanoq annertutiginerannik.
1405. Naalakkersuisut qaqugukkulluunniit akuersissummik piginnittoq qinnuigisinnaavaat paasissutissanik amerlanerusunik, uppernarsaatinik, kisitsisinik paasissutissanik aamma nalunaarusianik allanilu nassiussissasoq, Naalakkersuisut naliliinerat naapertorlugu tamatuma pisariaqassusia tunngavigalugu.
1406. Nalunaarusiornerit tamarmik pisassapput tuluttut imaluunniit danskisut.
1407. Nalunaarusiornerit tamarmik Naalakkersuisunut nassiunneqartassapput allakkatut tigussaasutut aammalu usb ilanngullu nalunaarusiami allagaatit tamarmik elektroniskiusumik assilinqarnerannik imalik imaluunniit allakkatut elektroniskiusutut (email).
1408. Nalunaarusiornermit nassiunneqarnerannullu aningaasartuutit tamarmik akuersissummik piginnittumit akilerneqassapput.

§ 15. Akuersissummik utertitsineq

1501. Naalakkersuisut akuersissut manna utertissinnaavaat pisinnaatitsissummi § 23-imi atugassarititaasut naapertorlugit.
1502. Akuersissutip matumap utertinneqarnerani akuersissummik piginnittup § 16 naapertorlugu pisussaaffii atuutiinnassapput.

§ 16. Ingerlajuartumik torersaaneq allallu aamma ingerlatsinerit uninneranni torersaaneq

1601. Akuersissummik piginnittup pisinnaatitsissut naapertorlugu ingerlatsinerit pereerneranni ingerlajuartumik saliineq torersaanerlu isumagisassavaa, tamatumani aamma pisinnaatitsissut naapertorlugu suliat kingunerisaannik asimi nunamik naasunillu ajoqusiinerit iluarsaatissallugit.
1602. Pisinnaatitsissutip aamma/imaluunniit akuersissutip matumap atorunnaarneragut akuersissummik piginnittup sermimut aamma imermut inatsit naapertorlugu pisussaaffigisaanik, inatsisit allat attuumassuteqartut aamma tamakku nappertorlugit aalajangersagaasut, pisinnaatitsissut, akuersissut manna aamma Naalakkersuisut peqqussutigisimasaat naapertorlugit pisussaaffiinik pisussaajunnaartinngilaa.
1603. Pisinnaatitsissut naapertorlugu ingerlatsinerit unitsinneranni akuersissummik piginnittup tulliuuttut isumagalugillu qularnaassavai:
- (a) Akuersissummik piginnittup illuutit aamma pilersitat allallu akuersissuteqarfiusumiittut tamatumalu avataaniittut pisinnaatitsissut naapertorlugu ingerlatsinerimut atatillugu pilersinneqarsimasut tamaasa piassavai, Naalakkersuisunit qimanneqarsinnaasut akuerisaasimangippata, takuuk immikkoortoq 1605, aamma /imaluunniit allaganngorlugu akuersissummi allami.
 - (b) Akuersissummik piginnittoq sumiiffinni pineqartuni akornusiinernik aserukkanillu pitsaanngitsunillu sunniutaasimasinnaasunik tamakkiisumik inaarutaasumillu saliillunilu iluarsaassilluni pisussaavoq. Saliineq iluarsaassinerlu Naalakkersuisunit akuerineqassaaq.
 - (c) Akuersissummik piginnittup tamatuma kingornagut sumiiffinni pineqartuni nakkutiginninnissaq pisussaaffigaa piffissami tamatumunnga naapertuuttutut isigineqartumi. Naalakkersuisut tamatumunnga aalajangiisinnaapput atugassarititaasunillu aalajangersaasinnaallutik.
 - (d) Naalakkersuisut ingerlatsinerup unitsinneqarnerani, aamma ingerlatsinerup unitsinneqarnerata kingorna, suliaqarnerit allat naleqqussorisaat akuersissummik piginnittup ingerlatissavai. Naalakkersuisut tamatumunnga aalajangiisinnaapput atugassarititaasunillu aalajangersaasinnaallutik.

1604. Illuutit aamma pilersitat allat pisinnaatitsissutip atorunnaanginnerani siunertaasumut atorneqarnerat qaangiussimappat, taava ingerlatat immikkoortut 1603(a)-1603(d) naapertorlugit taakkunani illuutini aamma pilersitani il.il. sumiiffinnilu attuumassuteqartuni naammassineqassapput atorunnaarnerisa kinguninnguagut. Siuliani ingerlatsinerit pineqartut pisinnaatitsissummi atugassarititaasut naapertorlugit akuersissullu manna naapertorlugu ingerlanneqassapput.
1605. [Illuutit aamma/imaluunniit pilersitat ilaat peerneqartussaangippata, piumasqaat manna atortinneqassaaq. Illuutit aamma pilersitat tamarmik peerneqassaappata piumasqaat manna piiarneqassaaq.] Illuutit aamma pilersitat allallu tulliuttumiittut pisinnaatitsissut naapertorlugu ingerlatsinernut atatillugu pilersinneqartussat imaluunniit pilersinneqareersimasut, ingerlatsinerit taamaatinnerisa kingorna peerneqassanngillat::
- [Nalunaakkit illu imaluunniit pilersitaq peerneqartussaangitsaq]
 - [Nalunaaruk illu imaluunniit pilersitaq peerneqartussaangitsaq]
- [Illuutit aamma pilersitat tamarmik peerneqassaappata piumasqaat manna atortinneqassaaq. Illuutit aamma/imaluunniit pilersitat ilaat peerneqartussaangippata piumasqaat manna piiarneqassaaq.] Illuutit aamma pilersitat allallu tamarmik pisinnaatitsissut naapertorlugu ingerlatsinernut atatillugu pilersinneqartussat imaluunniit pilersinneqareersimasut, ingerlatsinerit taamaatinnerisa kingorna peerneqassapput.
1606. Akuersissummik piginnittup § 16 naapertorlugu pisussaaffini naammassinngippagit Naalakkersuisut peqqusisinnaapput akuersissummik piginnittup pisussaaffini Naalakkersuisunit piffissaliunneqartup naleqquttup iluani naammassissagai. Akuersissummik piginnittup peqqussutaasoq naammassinngippagu Naalakkersuisut qanoq pinerit iliuusissallu naleqquttut suliaritissinnaavaat akuersissummik piginnittup akiligassaanik akisussaaffigisassaanillu, pisussaaffiit akuersissummik piginnittumik naammassineqarsimanngitsut naammassineqaqullugit. Ingerlatat iliuutsillu taamaattut sussasaqartunit pingajuusunit Namminersorlutik Oqartussanut taarsiivigineqarnissamik piumasqaataasunik kinguneqarpata, akuersissummik piginnittup Namminersorlutik Oqartussat taarsiissuteqaqqusissummut illersussavai, Namminersorlutillu Oqartussat ajoqusernernut annaasanullu taarsiisussatut akisussaasutut sumulluunniit pinngitsuutillugu.

§ 17. Qularnaveeqqusiineq

[Akuersissummi inaarutaasumi § 17 ilaasinnaavoq Naalakkersuisut tamatumunnga aalajangiippata. Tamatumunnga tunngasumik aalajangiisoqanngippat qularnaveeqqusiinermut aalajangersakkanut piumasqaatit immikkoortumi uani aalajangersarneqartut peerneqassapput. Immikkoortoq peerneqarpat imarisaanut nalunaarsuiffik innersuussinerillu attuumassuteqartut iluarsiivigineqassapput (taakkua tamarmik isumamineertumik pisussaapput).]

1701. Akuersissummik piginnittoq sermimut aamma imermut inatsit naapertorlugu, sermimut aamma imermut inatsit naapertorlugu aalajangersarneqarsimasut, pisinnaatitsissut aamma akuersissut manna naapertorlugit pisussaaffimmi naammassinissaannut Naalakkersuisunit naapertuuttut aalajangersarneqartumik qularnaveeqqusiissaaq, tamatumani ilaatigut § 16 naapertorlugu ingerlanneqartunut aningaasartuutitut tunngasut .

1702. Sillimasiineq immikkoortoq 1701 naapertorlugu qaqugukkulluunniit imatut ilusilerneqassaaq imatullu piumasqaateqassalluni imatullu aningaasartaqassalluni Naalakkersuisunit akuerineqarsimasunik. Akuersissutip matuma nalunaartiginerani Naalakkersuisut akuerisimavaat qularnaveeqqusiineq qaqugukkulluunniit minnerpaamik tassaassasoq DKK [aningaasat annertussusiat].

1703. Immikkoortut 1701 aamma 1702 naapertorlugit qularnaveeqqusiisoqassaaq atortinneqaannartussamik [aningaasanik toqqorsinikkut annertussusilinnik DKK [aningaasartai] kontomi immikkut toqqorsiviusussami kalaallit imaluunniit danskit aningaaserivianni Naalakkersuisunit akuerineqartumi atugassarititaasullu Naalakkersuisunit aalajangersarneqartut imaluunniit akuerineqartut naapertorlugit, kalaallit imaluunniit danskit aningaaseriviata Naalakkersuisunit akuerineqartup qularnaveerusiisuuneragut DKK [aningaasartai] atugassarititaasullu Naalakkersuisunit aalajangersarneqartut imaluunniit akuerineqartut naapertorlugit, imaluunniit ingerlatseqatigiiffiup selskabimik allamik piginnittup qularnaveerusiisuuneragut Naalakkersuisunit aningaasalersuisinnaasutut piginnaaneqartutut nalilerneqartumit, akiliisinnaassuseqartutut aamma aningaasanik atortissallugu tatiginassuseqartutut nalilerneqartumit, ima annertussuseqartunik DKK [aningaasartai] atugassarititaasullu Naalakkersuisunit aalajangersarneqartut imaluunniit akuerineqartut tunngavigalugit. [Aningaasat toqqorneqartussat kontomut immikkut toqqorsiviusussamut ikineqassapput

uani [aningaaseriviup aqqa najugaalu] imatut nalunaarsuinermit normoqartumut konto-normoqartumullu: [nalunaarsuutitut normu] [konto normu].]

1704. [Toqqorsinermermi] Aningaasat toqqorneqartut akuersissummik piginnittup pigai, taamaallaallu Naalakkersuisunit atorneqarsinnaallutik akuersissummik piginnittup sermimut aamma imermut inatsit naapertorlugu, sermimut aamma imermut inatsit naapertorlugu aalajangersarneqarsimasut, pisinnaatitsissut aamma akuersissut manna naapertorlugit pisussaaffiisa naammassineqarnissaannut, tamatumani aamma § 16 naapertorlugu saliiernermit ajoqusernerillu iluarsaannissaannut il.il. aningaasartuutit matussutissaqartinnissaannut. Aningaasat toqqorneqartut Naalakkersuisunit akilerneqassapput Naalakkersuisut tamanna pillugu piumasaqarnerisigut.
1705. Akuersissummik piginnittup pisussaaffiini Naalakkersuisut naammassinninniarnanni aningaasartuutit aningaasanit toqqorneqarsimasunit matussuserneqarsinnaangippata aningaasartuutaasut sinneri akuersissummik piginnittumit matussuserneqassapput.
1706. Akuersissummik piginnittup qularnaveeqqusiineq pillugu paasissutissat aamma uppernarsaataa Naalakkersuisunit nassiutissavai, pisinnaatitsissut imaluunniit akuersissut manna naapertorlugu ingerlatsinerit aallartinneqannginneranni.
1707. § 14 naapertorlugu nalunaarusiornermit ilaatillugu akuersissummik piginnittup ukiut tamaasa aningaasat toqqorneqarsimasut pillugit naatsorsuusialq Naalakkersuisunit nassiuttassavaa. Naatsorsuusialq Naalakkersuisunit akuerineqassaaq.
1708. Naalakkersuisut qaqugukkulluunniit aalajangiisinnaapput akuersissummik piginnittoq saniatigut aamma/imaaluunniit allatigut qularnaveeqqusiissuteqassasoq, pisariaqassusia naapertorlugu.

§ 18. Nutsikkat

1801. Akuersissut manna tuluttut qallunaatullu suliaavoq. Taassuma nutserneqarnera atuuttuussuseqanngilaq.

Naalakkersuisut

[ateq]

Inuussutissarsiornermut Nukissiuuteqarnermullu

Naalakkersuisoq

Sumiiffik atsiorfiusoq: [sumiiffik]

Ulloq atsiorfiusoq: [ulloq]

Ilangussaq 1 – Nioqqutissiorlutut pingaarnertut akuersissut aamma inuussutissalerinermut akuersissut

Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-imeersumi § 3 naapertorlugu suliffeqarfiit, inuussutissarsiutitut suliaqartut, toqqortaqartut, assartuisut imaluunniit inuussutissanik niueruteqartut Naalakkersuisunit akuerineqartussaasut. Akuerineqarsinnaassagaanni suliffeqarfiup nalunaarummi pineqartumi piumasarisat naammassissavai.

Aammattaaq inuussutissanik nersutillu nappaataannik inunnut tunillaassorsinnaasunik nakkutilliineq pillugu Inatsisartut peqqussutaat nr. 17, 28. oktober 1993-imeersumi § 10 naapertorlugu suliffeqarfiit inuussutissarsiutitut suliaqarusuttut, toqqortaqarusuttut, assartuerusuttut imaluunniit inuussutissanik niueruteqarusuttut inuussutissanik suliaqarsinnaanngitsut tamatumunnga akuersissuteqaratik.

Sermimik aamma imermik iluaquteqarneq ataatsimut isigalugu aalajangersakkanut nioqqutissiorlutut pingaarnertut atuuttunut ilaavoq. Pingaarnertut nioqqutissiorneq imermik mineraleqartumik, imermik puilasumeersumik aamma imermik nalinginnaasumik ataatsimut isigalugu iluaquteqarnermut (pissarsiarinninnermut) tunngasuvoq, pissarsiarineqartartoq puumut immiullugu imigassatut il.il. nittarsaanneqarnissaa siunertaralugu.

Pingaarnertut nioqqutissiorlutut akuerineqarnissamut qinnuteqaat immersugassaq internet-imi nittartakkami uaniippoq: <https://www.businessingreenland.gl/kl-GL/Fiskeri,-Fangst-og-Landbrug/Veterinaer-og-foadevarevirksomhed/Foadevarevirksomhed/Primaerproducent>

Sermimik aamma imermik inuussutissatut nioqqutissiorneq aamma suliaqarneq, tamatumani aamma imigassatut allatullu, inuussutissanik suliffeqarfiit pillugit malittarisassanuttaaq ilaapput.

Taamaalilluni akuersissummik piginnittoq aamma Kalaallit Nunaanni Uumasunut Nakorsaqaarfik Inuussutissalerinermullu Oqartussaaffimmit inuussutissanik suliffeqarfittut akuerineqartussaavoq akuersissummik nalunaarfigineqarnissaq sioqqullugu.

Inuussutissalerinermik suliffeqarfittut akuerineqarnissamut qinnuteqaat immersugassaq internet-imi nittartakkami uaniippoq: <https://www.businessingreenland.gl/kl-GL/Fiskeri,-Fangst-og-Landbrug/Veterinaer-og-foadevarevirksomhed/Foadevarevirksomhed/Foadevarevirksomhed>

Ilanngussaq 2 – Nioqqutissiornermut akitsuummut (royalty) tunngatillugu nalunaarusiortarnermut atugassaq

[Ilanngussassaq 2 tassaavoq pappialaat immikkoortoq]

Ilanngussaq 3 – Ukiumoortumik nalunaarusiortarnermut atugassaq

Akuersissummik pigisaqartup boksit 1-miit 4-mut immersussavai.

Boks 1	Akuersissut
Akuersissutip normua	Akuersissut nr. 20[...]/[...]

Boks 2	Akuersissummik piginnittoq
Akuersissummik piginnittoq	[Ingerlatseqatigiiffiup akuersissummik piginnittup atia tamakkiisoq allaguk]
Najugaq	[Akuersissummik piginnittup najugaa nalunaarsugaasoq allaguk]
Inuk attaveqaat	[Akuersissummik piginnittumut attaveqaataasup atia allaguk]
Oqarasuaat	[Akuersissummik piginnittup oqarasuaataata normua imaluunniit attaveqaataasup oqarasuaataata normua]
Email	[Attaveqaataasup emailia allaguk]

Boks 3	Akuersissuteqarfigisap iluani ingerlatsineq pillugu nalunaarusiorneq
Akuersissuteqarfigisap iluani suliat pillugit nalunaarusiorneq	[Akuersissuteqarfigisap iluani suliat suuneri pillugit nalunaarusiorit.]

Boks 4	Ukiumi qaangiuttumi angusanit nalunaarusiorneq
Ukiumi qaangiuttumi naammassisaniit nalunaarusiorneq	[Ukiumi qaangiuttumi angusannit nalunaarusiussaatiit.]